

Isifinyezo Esiphezulu

Abakwa-JG Afrika (Pty) Ltd baqashwe nguMnganyo wezokuHlinzekela ngemiGwaqo kaMasipala waseThekwini ukuba baqhube uhlelo lwezevelo olumayelana nomsebenzi ohlongozwayo wokwakhiwa komgwaqo u-83997 kanye nengqalasizinda yokuthutha amanzi emvula kulomgwaqo ongaphakathi kwendawo kaMasipala waseThekwini, KwaZulu Natali. Lomsebenzi ohlongozwayo udinga ukugunyazwa ngokwezemvelo ngaphambi kokuqala ukwakhiwa, futhi kudingeka ilayisensi yokuphathwa kwamanzi kulomsebenzi. Izinhlelo zokufaka isicelo segunya lezemvelo kanye nesicelo sokuphatha amanzi zihlukene, kepha zombili ziqhutshwa abakwa-JG Afrika.

Umgwaqo u-83997 uyisigwaqana samatshe esix huma umgwaqo ongu-510137 no-Reeves Road. Lesi sigwaqana sidinga ukulungiswa njalo ngenxa yokuguguleka kwesihlabathi namatshe. Ipayipi lokuthutha amanzi ngaphansi komgwaqo lijwayele ukugcwala isihlabathi uma izulu lina kakhulu, okubanga ukuthi amanzi egcina ehamba ngaphezulu komgwaqo. Lokhu kubanga ukuthi kungahambeki ngalomgwaqo; kwenza ukuthi abantu nezimoto bajikeleze ibanga elingango-2km. Ngakho ke, kuhlongozwa ukuba ulungiswe lomgwaqo ngokufaka ukhonkolo ngaphezelukanye, kuthuthukiswe nengqalasizinda yokuthutha amanzi emvula nepayipi eliweza lomgwaqo emfudlaneni okhona. Lokhu kuzothuthukisa isimo sokuphepha somphakathi odinga ukuwela lomfudlana.

Umsebenzi ohlongozwa ubandakanya:

- Ukuthuthukiswa kwalesi sigwaqana esingu-330m ubude ngokusifaka ukhonkolo owenziwe ngosimende namatshe agayiwe;
- Ukuthuthukiswa kwepayipi elingu-900mm lokuthutha amanzi omfudlana ngokwakha ibhuloho elingu-1.5m x 1.5m ukuvuleka. Ingxene yomgwaqo ewela lomfudlana ingu-11m ibanga.
- Ukufakwa kwengqalasizinda yokuthutha amanzi emvula kulomgwaqo.

Umsebenzi wokuthuthukiswa kwendayo yokuwela umfudlana ubandakanya ukumba noma ukuthela isihlabathi noma impahla yokwakha kulomfudlana. Lokhu kudinga ukugunyazwa ngokwezemvelo nguMnyango wezokuThuthukiswa koMnotho, ezokuVakasha nezeMvelo (EDTEA) ngaphambi kokuqala komsebenzi wokwakha.

Ingqubo yokubamba iqhaza komphakathi ibandakanye ukuxhumana neziphathimandla ezifaneleyo, izinhlangano ezingekho ngaphansi kaHulumeni (NGO's), abanini bomhlaba abakheleni nalomgwaqo, amalunga omphakathi kanye nabanye abathintekayo nabanendaba. Kwabanjwa umhlangano nehhovisi loMnyango (EDTEA) elingamela isfunda saseThekwini ngomhlaka-4 July 2018. Kwashicilelwu izikhangiso emaphephendabeni ukwazisa umphakathi wonkana mayelana nenqubo yocwaningo. Isikhangiso esasibhalwe ngesiZulu sashicilelwu ephephendabeni llanga ngomhlaka-14 April 2019. Kwachonywa izaziso endaweni yalomsebenzi ngomhlaka-15 June 2018. Futhi, kwathunyelwa izincwadi ezaziqukethe imininingwane ngalomsebenzi ohlongozwayo nabanini bomhlaba abakhelene nendawo yalomsebenzi ngomhlaka 15 June 2018 nangomhlaka-29 March 2019.

Abakwa-Umlando Archaeological Surveys and Heritage Management sebenze ucwaningo mayelana nezindawo noma izinto eziyigugu ngokwamasiko noma ngokomlando

ezingathinteka ngenxa yalomsebenzi ohlongozwayo. Lolucwaningo lupothule ngokuthi azikho izindawo noma izinto eziyigugu ngokwamasiko noma ngokomlando ezizothinteka ngenxa yalomsebenzi.

Abakwa-JG Afrika (Pty) Ltd sebenze ucwaningo mayelana namakhwane, imifula nezitshalo ezingathinteka ngenxa yalomsebenzi ohlongozwayo. Lolucwaningo lupothule ngokuthi imifudlana namakhwane ngeke icekeleleke phansi ngenxa yalomsebenzi ohlongozwayo uma izincomo zalolucwaningo zifezwa.

Umbiko wokuqala wocwaningo lwezemvelo kanye nohlelo lokuphathwa kwemvelo kulomsebenzi ohlongozwayo sekwabelwe abathintekayo nabanendaba ukuze bakubuyekeze baphawule ngakho. Ukuphawula okuphawula okutholakalayo kuzofakwa kumbiko wokugcina ozothunyelwa kuMnyango (EDTEA) ozothatha isinqumo mayelana nokugunyaza ngokwezemvelo lomsebenzi ohlongozwayo.

Umbiko wocwaningo uhlanganiswe ngokwemithethonqubo ka-2014 (ngokuchibiyelwa kwayo) yokucwaninga ukuthinteka kwemvelo, equkethwe kuMthetho kaZwelonke wezeMvelo. Umbiko uhlanganiswe ngokwezidingo zesithasiselo seSaziso sikaHulumeni u-GNR 326 sika-2017.